

Gveigangj Si Mungzgunggh Minzcungh Hagdangz Hozdung Lai Cungj Lai Yiengh

贵港市蒙公乡民族初级中学校园活动丰富多彩

□ Huz Bangjhangz/ 胡榜航



▲Ginzung lusen gyauyuz sizcenj hozdung senhconz lanz.



▲ Gwnz hoih dangj raeuz ginzung lusen gyauyuz sizcenj hozdung.



▲ Gyoengq boux dangjyenz nyinhcaen hagsib dangj raeuz ginzung lusen gyauyuz sizcenj hozdung cihsiz.



▲ Minzcuz vwnzva senhconz——bien minzsuz fungsug.



▲ Hagdangz vwnzva cangzlangz——Saw Sam Cih.



▲ Minzcuz vwnzva senhconz——bien song saw vah sonhag.

Ndwensam, dwg ndwen hag Leiz Fungh hozdung, hix dwg ndwen ancienz gyauyuz hozdung, caemh dwg ndwen minzcuz doxgiet gyauyuz hozdung. Vihliux fungfouq gij hozdung lauxsae caeuq hagseng, cienzmienh hengzguh suciz gyauyuz, youq ndwensam, Gveigangj Si Cindzangz Gih Mungzgunggh Minzcuz Cuhgiz Cunghyoz guh liux lai cungj lai yiengh hozdung.

Hagsib Leiz Fungh Guh Saehndei

Mungzgunggh Yangh Minzcungh soqlaiz yawjnaek hagseng binjdwx gyauyuz, hagseng guh saehndei lailai. 3 nyied 5 hauh, hagdangz giethab "ndwensam, ndwen hag Leiz Fungh hozdung", cujciz lauxsae caeuq hagseng bae Mungzgunggh Yangh Gauhcanh Ginglaujyen yawj doengh bouxgeq mbouj miz lwg haenx, soengq bae gij ngaenz caeuq haeux youz lauxsae caeuq hagseng gien haenx, bang bouxlaux rap raemx, baet ranz, dawz gij raeujrub soengq hawj doengh bouxgeq bouxdog haenx. Doenggyaq cungj hozdung neix, beizyangj hagseng daj iq miz aen sim gingqgyaez bouxlaux ndeu.

Ancienz Seizseiz Geiq Ndawsim

Hagdangz giethab "ndwensam, ndwen ancienz gyauyuz hozdung", hai aen "ancienz cihsiz gyauyuz daihhoih", guh aen "Yenjlen Feizcoemh Seiz Baenzlawz Deuz Caeuq Baenzlawz Ndaepfeiz". Doenggyaq gij hozdung neix, son hawj hagseng ancienz cihsiz, daezsang hagseng fuengzyiemj naengzlig. Daengq hagseng ancienz aeu seizseiz geiq ndawsim.

Minzcuz Doxgiet Gyauyuz Aeu Guh Ndei

Giethab "ndwensam, ndwen minzcuz doxgiet gyauyuz hozdung" aen cingsaenz neix, hagdangz hwngguh hong hagdangz minzcuz vwnzva gensez, senhconz vwnzva yisuz Bouxcuengh. Bineix daeuj, hagdangz yungh gij cienz hagdangz minzcuz vwnzva gensez Swigih Gyauyuzdingh bi' gvaq hawj haenx, guhbaenz hagdangz minzcuz vwnzva cangzlangz, banh baenz "Song Vahsaw Sonhag Gveigangj", "Dieggyaeu Caeuq Ranzgeq Bouxcuengh Gveigangj", "Fungsug Caeuq Vwnzva Bouxcuengh Gveigangj", "Ngonzciet Caeuq Ndangdaenj Bouxcuengh Gveigangj" seiq aen conhlanz senhconz vwnzva yisuz Bouxcuengh, caemhcaiq lij guh baenz "Geiqaen Gyauyuz", "Gozfangz Gyauyuz", "Gengangh Gyauyuz", "Swhdwz Gyauyuz", "Ancienz Gyauyuz" daengj senhconz conhlanz, hwngvuengh hagdangz vwnzva gensez.

"Ginzung Lusén Gyauyuz Sizcenj Hozdung" Ndaej Vunz Haenh

Hagdangz boiqhab gij hong dangnaj "ginzung lusén gyauyuz sizcenj hozdung", hengzguh "bouxbox lauxsae roengz mbanj haeuj ranz guh gyahfangj" hozdung, bae caeuq bouxlaux lwghag gangjgoj lwnh gyauyuz, liujgaij ndaw ranz lwghag cingzvang, cam aeu fuengfap ndei guenjleix hagdangz, guhdaengz doengzcaeaz son ndei, guenj ndei lwghag.

Doenggyaq baihgwnz gij hozdung neix, byaij ginzung lusén, gyagiengz hagdangz caeuq sevei, ndaw ranz lwghag lienzhaeh, daezsang lauxsae guhhong cwzyinsinh, hawj hagseng hag baenz sibgvenq ndei, daezsang gij cunghoz suciz hagseng.



▲ Gyoengq hagseng soengq doxgaiq bae ginglaujyen hawj bouxlaux.



▲ Gyoengq hagseng bae ginglaujyen baet ranz.



▲ Hagseng hag ndaep feiz.



▲ Lauxsae youq ranz hagseng guh gyahfangj.